

廣東省地方史志辦公室輯

廣東歷代方志集成

惠州府部（二）

嶺南美術出版社

〔萬曆〕惠州府志

〔崇禎〕惠州府志

〔萬曆〕惠州府志目錄

序	一
舊序	五
目錄	一二
修纂姓氏	一四
卷一	
輿圖	一五
卷二	
郡事紀	二七
卷三	
沿革表	五五
卷四	
秩官表	六三
卷五	

選舉表	一六
卷六	
山川紀上	一四九
山川紀下	一五九
卷七(缺)	
都里志	
卷八(缺)	
建置志	
卷九(缺)	
經政志	
卷十(缺)	
賦役志上	
賦役志下	
卷十一(缺)	
學校志	

卷十二（缺）	祀典志	卷十三（缺）	兵防志上	兵防志下	卷十四	皇言志	卷十五	名宦傳	卷十六	寓賢傳	卷十七	人物傳	卷十八	列女傳
						一六八		一九〇		二一八		二二三		二七二

卷十九	仙釋傳	卷二十	雜誌	卷二十一	詞翰志	【崇禎】惠州府志目錄			卷一（缺）	卷二（缺）	卷三	沿革	卷四	秩官	卷五（缺）
	二八四		二九四		三〇六							三五五		三六四	

卷六（缺）	
卷七	
都里	四二五
卷八	
建置	四三六
卷九	
經政	四五六
卷十	
賦役	四七五
卷十一	
學校	五二四
卷十二	
祀典	五四〇
卷十三	
兵防上	五五一

兵防下	五六八
卷十四（缺）	
卷十五（缺）	
卷十六	
寓賢	五八八
卷十七	
人物	五九三
卷十八至卷二十一（缺）	

觀行貳部五年鵬攝又禮長曾生三省圖書
 瑞典書焉圖之曰興圖紀之曰郡事曰山
 川表三曰沿革曰官曰選舉志曰職役
 曰風俗曰里曰學校曰紀無曰賦役
 曰刑名曰釋而以雜詞翰志終焉合
 二十卷起元曰郡事會典時序可
 以觀天道矣興圖山川相為表裏自祖
 自孫或源或委纖悉著明可以觀地道
 矣都里以聚之學校以教之賦役以均
 之兵防以衛之祀典以福之則樂樂利
 利取焉名宦寄其思寓賢傳其儀人
 物示之師列女厲其隅僊釋解其羈則
 是是非非存焉可以觀人道矣治之以秩

官興之以選舉理之以建置綜之以經政
 董之以皇言王道其有成乎襟乎此者之
 謂襟詞翰乎此者之謂詞翰是以無收之
 是書也善善而不惡惡或為尊者諱或
 為賢者諱則先太史志也予小子何敢忘
 焉先太史平生得人一言之益一行之善必
 以詔起元起元兒時侍先太史討論前
 哲談說時事每至夜分不遑寐也時從
 先太史出入閭閻見吾鄉人物殷富穀擊
 肩摩于道在所彈琴瑟吹笙竽煙火千
 里雞犬相聞高原之上鋤犁及之草木茂
 密十五之後邑里蕭條烟火往往斷絕至
 今生齒未復蓋耗於盜賊兵戈而生聚無
 術良足哀矣夫以所聞既如彼以所見又

如此予小子不敢遺忘亦不敢隱避然必質之群彥每有一事進群彥而問之群彥曰以予輩所聞亦若吾子之聞也以予輩所見亦若吾子之見也則謹書之其或不然則闕之蓋不敢自是也起元初諸郡公之請謂可六旬而訖以告母太孺人母太孺人曰孺子談何容易而父嘗與斯役矣

惠州府志

序

五

溫汝倫

此事者葉宮保劉州守也辰入面出蓋一歲所而後竣事孺子談何容易也果以乙未九月然後脫稿中多蕪蔓尚未脩飾會命下起為國子祭酒起元以養母乞身

不允遂輟功而治行時宮保葉公還里請正數事林公先擢都運不還郡程公有守至命侍史亟寫副本還正本途次便補

然竟以團應無暇刻至涇陽道中僅有半日之暇遂序之其有疎略則俟君子

晉

萬曆二十三年歲次乙未季冬吉旦

楊進士第朝列大夫國子監祭酒前南京掌翰林院侍讀學士司經局洗馬兼脩撰王樸纂脩

惠州府志

序

六

溫汝倫

經筵講官歸善楊起元頓首拜謨



重修惠州府志序

古者郡邑皆有志率用史體取紀載往
事垂典則寓彰廬以風示來者是即郡
邑之史也今

聖天子赫然中興稽古右文鬱為郅隆之
治郡邑長吏益彬彬多文學士則志尤
一方文獻鉅典哉惠故交廣之墟今為

惠州府志

序

嶺東重鎮東北則重山律元西南則禪
海潯溟所隸諸邑土迥民蕃寔為形勝
輿區莫有並焉者志尤宜備

國初迄成弘間志允幾易猶未備耳嘉靖
丙辰郡守錢塘姚君司理泰和楊君始
纂次成編而鑒衡藉以可攷越丙辰至
隆慶二三年值盜賊兵燹之變蕩平題

請新建永安長寧二縣合之凡十邑焉中

間四十餘稔汗隆沿革蓋闕而未紀矣
今太史復所楊公其先太史嘗欲論著
而未之逮幸卯歲三山林燮軒君來守
是邦慨然重脩之而以請於復所公公
曰僕不敏何敢辱命第不敢固辭者以
成先志也於是選博士弟子員分局各
司其事而一一載筆於復所公既而林
君入

惠州府志

序

觀擢長饘政余謬叨梁化幸得寓目因憶
曩者宰江右之弋陽問邑乘久報廢即
與之圖其新業就鋟行於時矣乃惠陽
千里鉅都也志顧可緩乎哉且計嘉隆
之交戈鋌擾攘微給煩劇其諸拮据輟

轅事多故矣即以余

命以來三裡值歲大稔饑莩載道惴惴懼不勝以便宜請於上平糴而濟之煮粥而食之而民賴以不盡瘠於溝壑因爰取所平糴盈額之金行諸縣徧積粟為社庾以防不虞復念費官傾圯欣樂無驛亟鳩工命材新剏之以胥多士而桑

惠州府志

序

主

遠賓又暇日從宮保葉公太史楊公談堪輿秘旨遂自北郭而建九級浮圖為仙莖砥柱以壯龍運旺氣焉皆所不得不紀者復所公以桑梓故不憚蒐輯鉅則築鑿營置細則蠕動幽渺靡不臚列而縷析之燦然備矣余受而卒業作而嘆曰美哉洋洋乎其文莊其事核蓋後

所公以其筆

國史者筆之惠也惠有厚幸哉後之人讀其志輿圖必且曰何以庶奠之讀其志賦役經政必且曰何以節縮之讀其志學校兵防必且曰文何以經而武何以飭之讀其秩官之志將指而議曰某也仁某也苛讀其人物之志將指而議曰

惠州府志

序

四

某也贊某也不肖讀其列女之志又將指而議之曰某也節某也烈以愧夫風靡而罔識訓閑者其所裨惠陽風教豈渺渺哉是皆復所公之賜也是為序
惠州府知府新安程有守書



惠州府舊志序

八桂蘇濯惠州府同知
天順元年序

古者郡邑皆有志所以記一郡一邑之事也惠陽志宋末兵燹不存寥寥數十年元大德間同知姜文龍始撮拾而續成之失於疎畧况其時惠之所屬歸善博羅河源海豐四邑而已龍川長樂興寧尚屬循州焉

皇明混一有二帝三王所無之天下有二帝三王所無之人民衣冠文物卓冠前代武戍申州陞爲府所隸七邑地大八稠歷代沿革山川貢賦人才風俗在所考驗

惠州府志

舊序

志其可忽耶

太宗文皇帝永樂間命廷臣督脩天下郡志教授古龔質質取宋元諸作以補之始有條理可觀景泰紀元之六年

朝廷慮有遺漏命官重脩教授零陵鄧璉旁搜博訪事有根據而文采爛然矣言成上之天府而得遍觀嗚呼文獻無徵聖人所嘆况圖志政事之先務爲政者可不加之意歟暇日復與鄧公及二三文學講求考訂刪繁去複補缺存正類聚成編復得大參吳公所著

陽雜詠并附焉至於異端淫祀前於名教者皆畧而不錄所以從簡約示久遠遠近各循條墓工綉梓以傳庶幾成一郡之美事乎以見

列聖相承重熙累浹化成俗美比隆唐虞三代之盛豈後世所能及哉雖然是編之作校諸舊志亦云備矣其間事物無窮見聞有限以今視昔固有殘缺磨滅之弊後之視今寧無滄海遺珠之嘆乎同志君子倘能讎而校之時而脩之俾勿壞非獨爲是編之幸實斯文之幸惠人之大幸也因書以告來者云

惠州府志

舊序

郡人鄭維新嘉靖戊子序

惠大記何記惠之大也夫惠封壤數百里自有宇宙之山川自入職方之郡邑洎九因事而建爲民而置或析或併或易或仍或弛或徙或陵或埋雖時異代殊而書墊紀域崇德遂生繫焉繫皆弗可莫之稽也清淑攸鍾篤生賢俊表民用世蓋有其人與夫守牧之遺愛將佐之死事其良譽可以師後政其峻節可以鎮流風又若藝圃詞林閎言麗藻敷敷道義被飾方輿舊簡之載記未泯逸者之傳誦足徵懋矣盛矣弗獲而詳述也采

著者以爲濫焉可也故記之類凡四曰迹曰獻曰治曰賁而其體有二曰攷曰略熟惟闡幽列繁櫛實惠之大者於斯乎存彰往詔來殆庶幾哉戶口賦役弗錄何也郡乘之籍備也今之獻之治可錄者多矣而未之及何也缺也夫是非久而後定言行沒而可稱是故存者缺焉禮也

新安汪思

廣東右
參議

惠大記六卷首迹考二次獻略一治略一賁略二豐湖鄭敬甫之所編也夫惠之山羅浮爲大水海爲大宮室

惠州府志

舊序

三

以公署爲大祠廟以先聖爲大是所謂迹也獻之大稱宋羅學士近亦有何孝子張戶書其寓公有二蘇有留忠宣治之大趙佗以龍川今起爲王三世賁云者文其陋也則莫若蘇長公矣鄭子記惠之大而不能盡棄其餘蓋亦有不可者特曰大記云耳是故記迹考而方輿備矣記獻略而士習勸矣記治略而官箴嚴矣記賁略而典則具矣方輿備而帝德廣矣士習勸而風俗移矣官箴嚴而暴汚飭矣則具而觀示懿矣然以予觀惠人不能皆民也僅僮渚焉民不能皆農也姦究與焉

猶荒略乎曰非也今之治亦既詳矣夫山海之利博矣民以是利生亦以是利踣爰爰鑄載息載賁不亦生乎征利負固以劫以逋不亦踣乎如其囂訟而敗不悔惰耕而蕩不悟又未可數也是故病其略也增吏治羅武衛不得其道乃顧多事是故復病其詳也嗟夫其下之罪歟其上之罪歟鄭子邦人也風俗戶口田賦削不記頗於迹考微言之如有諱焉其志而晦微而顯者非邪讀者無論上下各致思焉民興於獻吏闢於治嗚呼惠其幾賁也已

惠州府志

舊序

四

香山黃佐

嘉靖戊戌序志未梓行
壬寅志完因之故附載

此鴈峰史侯暨厥屬文學所纂惠志也若昔康太史德涵氏志武功得載筆體乃崔司成子鍾氏志彰德一遵焉二氏蜚英關洛才均班馬而取善崇讓若此是故地理以稽實建置以明制田賦以恤隱祠祀以正典官師均列而信教人物選舉上行而下秩雜志類物輔化崇正義而黜異端損浮冗而要簡確自特厥後臨江諸郡乘咸宗焉是編義例宛然二氏故轍爰週天順吳大參志高所脩惠志曠歷年所間雖祝君允明志興寧陳君

用貞志長樂有行於時而懔羅海豐龍川則未有成紀
矧和平新建固有登載乃今克會成書俾足徵焉豈非
典哉嗟夫扶輿之氣其鑪範乎汪洋閎廓典屈告渫而
不可窮者水也其象則智介特茂業堅磴磊砢而不可
易者山也其象則仁水居之民非弗仁也然而仁弗勝
智辯若泉流文若風渙而其失也詐山居之民非弗智
也然而智弗勝仁卓然壁立于然株守而失也固以是
占俗觀人天下莫有適情矣惠居五嶺東南羅浮甲於
天下重瀛環之其民鍾氣於山大都朴野惻惻故計訟

岸嶽鮮而推魯頌昧或不免焉歲部使者至莫不喜其
淳而加簡恤吾廣都會雖嶢嶢荒渺然清淑之氣是之
自出較其形勝雖海岱亦奚異乎在宋時則有若張宋
卿氏以文章倫魁南省若足以華國矣而厥施未究豈
蓄極而發猶有待於今乎因其俗之近仁而道之風俗
同而賢才出矣庸詎知不終齊魯乎是猶金之在鎔亦
鑄者之爲焉耳程伯子曰治天下以正風俗得賢才爲
本愚則曰雖一郡一邑亦有然者矣庸書以告吏茲土
者

夫郡志非古也史官亡而後志作是古之遺史也惠故
交廣之墟今竝爲嶺東連潮分廣接韶與虔東北則重
山削成西南則環以裨海是惟形勝災區莫先焉者其
陰陽剛柔異宜文質異尚儒吏耕治異業沕穆強殲異
齊古今異情治忽異道故言治者恒體之君子居是邦
也謹歲候授人時機祥可占矣辟地而正壤奄有九連
荒大望扼平碣之海道封略可正矣逮歷作牧自吾得
宗也數人焉若李文公若陳堯佐教脩政立則風晞龔
魯矣含經味道自吾得師也數人焉若濂溪若豫章延
平北面闕里道非委地矣赴節効忠折而弗撓若文山
呂下諸賢若節婦姚氏賴氏罔媮合幸生焉斯節義冠
冕矣德音風軌蔚爲時棟若東坡若成之煥之抑亦人
文山斗矣居處宴息必有宮室臺榭重改作養財力斯
芋矣盛德豐功必百世祀尊聖賢舉壇廟是爲不惑信
巫而好鬼斯諂矣學校賢士所關先德而後藝賤勇力
而黜異端張羅之迹疊矣表俗移風必有其本乎好惡
防淫靡去賭博息囂訟將且善人心而反經也則鄒魯

南矣等賦正事王政所重也齊貧富一膏瘠均衆寡
上無暴征下無逋稅斯有衆矣天生五材誰能去兵清
也政恤疲卒簡閱臣時無耗尺籍焉則強矣關所以禦
暴也梁所以利涉也征焉害矣壘墓所以興哀也而蕪
穢則遺賢矣僅蛋夷名而筆心所以齒人類也苟外之
則王道缺矣夫志誠廣矣大矣仰觀乾象俯察坤執中
參人情物理以言乎惠則備矣是故君子不窺牖而知
天道不出戶而知山谷不降席而匡天下凡志傳之
焉耳故志不可以已也惠在天順有志傳久或湮嘉靖

東莞府志

舊序

七

戊子有大記義舉或缺前守史君立模命文學脩之以
調去而寢祀也選諸邑庠而逸者得劉生梧善史法聘
之載筆編輯教授陳子文獻教諭易子貞元申校讐之
命而與朝夕罔道諛罔毀疵非非而是是疑疑而信信
百年曠典倏焉大成祀敬命工梓之用章鑑戒云爾後
之賢者覽焉脩焉厥史於是乎在

吉水羅洪先

翰林院脩撰嘉靖丙辰志序

父母於子慮其饑寒而爲之飲食絲枲也必先記
作產之出納以制盈縮取與之經防其疾苦而爲之湯

厲歲終也必先集方術之稀奇以審宣洩輔衛之用
知有所限則仰諸人者惟恐不得盡所聞而身不能兼
又將反覆丁寧託諸人以繼力之所未及非過恩也一
體之愛有不忍其爲謀自無弗至焉耳君子於民何以
異於是其留也必有爲其去也必有遺國家之史邦郡
縣宇之志其亦記產與集方述前聞以詔將來者與嘗
讀周官而疑之冢宰而下五官既分職矣貢賦賄賂山
林阜隰之征如家人歲會錯出而互見至於徒役期令
輦輦流錫鏡之辨粟乎禍變之虞又如惻癯在身何

東莞府志

舊序

八

爲煩細而詳復也然諸侯之燕并者方且顧忌空文而
莫敢自肆及其久也務去典籍汶滅故實以幸脫罪而
後周室爵祿孟氏不能舉其詳所謂井邑丘甸類以司
馬通成之數爲解由是觀之兵賦以制國藥食以養生
皆不厭夫集記之勤而凡史與志之廢興固有關於國
家郡邑治忽之故能知國家郡邑治忽必由史與志之
廢興又知兵賦爲廢興之大此其人雖未施措然規摹
可具睹矣惠志在天順丁丑嘉靖戊子壬寅凡三書其
屬八邑博羅海豐龍川故無紀述而和平嵩陰析置未

久自戊子邇丁丑七十餘年世次遼絕罔可稽附故其書曰大記大記者記其大都云爾也壬寅所書收拾闕逸更易數手良吏名人不盡表著乙卯泰和武東楊君以選部卽量移爲推官爲人博厚深沉好古而愛下嘗恐不得久留於此則取前志增損之自事紀沿革秩官選舉地理建置學校祀典外志雜志詞翰咸有刪正而於賦役兵防利病本末與夫吏治士行之取舍直斷以義不阻它嫌其言曰載鳴樵鈍安能爲役抑亦終前政之欲言耳夫負山緣海之民眞碩少智巧胥鑄幻侈奇

惠州府志

舊序

九

美以罔機利甚於攫斂林伏藪聚恣睢旅距者環境親靈異時倉卒竊發交雜爲勞無以待之保無怵迫思亂者乎且惠爲郡數百年于茲而爲吏與士者幾何人矣自吾耳目所逮不能登良黜瑕以彰懲勸吾懼惡害已而去籍者不在於下之人也嗚呼爲民父母之言固如此哉雖然楊君豈能盡以所言必之於人而人於楊君之言亦豈能盡令不異於已惟其反覆丁寧託之人者惻然家人父子不忍之情則人人得所欲聞師其意而推廣之取所長而濟以不足其謀亦有所必至是將大

遺於惠也如楊君之爲志也通州豐城吳君實之既得請一試當道復擇校官弟子之良者以從比入梓枌不遠萬里京驗封上事而錢唐姚君適以郡守親遠用遂有成譬之撫愛子者或爲之乳哺或爲之保傅後先相維可謂得所遭也得於今有弗得於後也哉予與楊君素善而吳君亦出於同鄉喜其能知治忽之故也於是乎言

泰和楊載鳴叙曰載鳴既舉謹稍遷爲惠推官周覽山川爰考圖記得故志讀之紀述繁復散亂失次迺歎曰

惠州府志

舊序

十

夫志大矣徵文獻審證俗詒來撰之典法稽前政之失得咸于是乎在今靡所刊定後將何觀焉于是搢紳大夫文學諸生之徒彌彌言纂輯事矣余不能謝迺本載記質觀聞芟蕪補闕蒐隱訂譌成惠州志爲紀一曰郡事天人之際古今之變鑒戒昭矣故首之爲表三曰沿革曰秩官曰選舉表郡之大者也爲志六曰地理曰建置曰賦役曰學校曰祀典曰兵防政教簡矣事增之則兵賦蓋深致意焉爲傳四曰名宦曰流寓曰人物曰列女述往勸來余不敢私也有改備口以觀會通焉

志雜志詞翰志終焉總之十有七篇迺若因事綴文扶俗翼教道叙次之指發明已志忘其淺陋僭有論擬具在諸篇中矣茲不著

錢塘姚良弼惠州府知府丙辰序

余嘉靖甲寅冬來守惠陽覽山川之勝審風俗之宜咨訪民瘼究圖治理作而嘆曰惠州古稱嶺東名郡也顧今若此哉暇復搜厥郡志見其始於天順丁丑一修于嘉靖戊子一修于壬寅自壬寅抵今尚多殘缺又嘆曰郡志一方之史也殘缺自茲後將奚述哉余意欲撫舊

惠州府志

舊序

十一

五

志而續編之以備一方文獻迺見於郡治流移之未復也里甲之未均也徭役之未清也倉弊之未除也民兵之未練也驛傳之未輸也民風吏治姦狡滋甚此郡事之大者須先釐正而後志可舉也於是蚤夜孜孜務惟經畫爲之撫逋民寬征稅以復其流移爲之準丁糧列班次以均其里甲懲徭役故習之濫也爲之節費慮倉糧召商之弊也爲之給銀民兵積弱時較閱以稽之驛傳虛耗嚴徵辦以補之至若崇師儒端士習撫民馭吏秉公飭法惴惴然惟過舉是懼雖未能必其政平澤溥

然於職所當爲者知自盡焉已越期年思竟前志而以觀行弗果乙卯冬泰和武東楊君以銓部即移佐郡憲通判吳君語以予意而決成之遂將修志請于

當道報曰可楊君迺覽衆說蒐遺事刪繁取要類族辨分其爲卷凡十有六是故輿圖列而形勝具矣郡事紀而世變昭矣沿革表而規制備矣秩官表而庶職該矣選舉表而人文著矣志地理而方位可辨也志建置而表儀可樹也志賦役而民故可察也志學校而士習可勸也志祀典而禮度日嚴也志兵防而武備以修也著

惠州府志

舊序

十二

五

循良之績故名宦有傳重賢哲之萃故流寓有傳鄉賢足範於後人於是傳人物焉女德有裨於風教於是傳列女焉又爲外志以大一統雜志以資識問而詞翰則古今述作凡涉惠者悉檢錄之摠題之曰惠州府新志由是千里之內上下數千載之間其事可按志而得矣雖然所貴乎志者豈徒飾文詞炫觀美已哉記言載事顯微闡幽綜古今以垂後憲耳予觀楊君所志其詞文其事詳而搜採幽微纖悉畢具迺若隨事論斷激切時弊其示訓深遠庶幾一方之史文獻攸賴者也君素宏

才博學明習吏事昔佐朝郡憲於郡事蓋躬歷而熟慮之矣惠潮連壤志惠所以志潮也豈惟潮哉記事貴實不貴文制治在上不在下稽志政之得失而轉移化導誠今日長民者之急也君之言曰誠能強察廉約之吏就故法而酌按之民將自安又曰無貨議無紕政而後可以責民之無良斯言也止爲志郡言也雖達之天下可也志成將梓以傳予謹掇君之志序諸首簡用紀歲月因以詒後云爾

惠州府志

舊序

三